

عيد عباس

# غناوى الهم

أشعار بالعامية المصرية

الطبعة الأولى يناير 2018

## بطاقة الكتاب

المؤلف : غناوى الهم  
المؤلف : عيد عباس  
التصنيف : أشعار بالعامية المصرية  
رقم الإيداع : 2017-29408  
عدد الصفحات : 100 صفحة  
رقم الإصدار الداخلي : 104  
تاريخ الإصدار الداخلي : 1 - 2018 الطبعة الأولى  
الإشراف العام : الشاعرة سميرة محمودى

جميع حقوق الطبع والنشر محفوظة للشاعر، ولا يحق لأى دار نشر  
طبع ونشر وتوزيع الكتاب الا بموافقة كتابية وموثقة من الشاعر

### دار النيل والفرات للنشر والتوزيع

سجل تجارى : 13242  
بطاقة ضريبية : 165-5-00031-572-01-35  
رقم التسجيل : 2017-7 544-662-202  
E-mail: alnile waalforat@yahoo.com  
twitter: النيل والفرات  
youtube: alnile waalforat@yahoo.com  
facebook: alnile wa alforat  
هاتف : 01011256943 - 01116202218 - 01202541192



الشرقية - العاشر من رمضان - مجاورة ١٣ - عقار ٣٠٤ - الدور الثانى - أمام سنتر ١٣

# إهداء

\*\*\*\*\*

إلى عائلتي وأسرتي وأقاربي  
إلى أصدقائي وكل من له الفضل في  
خروج هذا الديوان  
إلى النور  
لهم مني كل التحية  
والتقدير والإحترام

عيد عباس

# نبح الحنان

وقالى فى توهة  
ياعيد سافر  
وسيب ربك يساويها  
أمى حياتى هى الدنيا  
وعينى إالى بشوف بيها  
لفيت هدومى فى الجرنال  
وشنطة حزينة  
فيها الهم والأحزان  
طريح سهران بلم  
حمولى م الأول  
وكلمة ثقيلة جوه الصدر تتحول  
أسافر فى الصباح أجرى  
أشوف أمى بموت فيها  
وفضلت ألم فى العنوان

ودمعة حزينة فوق  
الخد والحرمان  
وطلة أمى وحشاني  
بشوفها كثير فى أحلامى  
تمد الإيد وتدعيلى  
ياريت يابنى تكون جنبى  
قصاد عينى  
أناديك ... تنادينى  
وتمسح دمعة وتطويها  
وأخر عربية يادوب جاية  
ياريت ياولدى تكون فيها  
أشوف وشك حنين غالب  
وجيت يامة لحد البيت  
أبوس إيدك أقول حنيت  
وإنتى يامة يانبع الحنان  
يافرحة طير فى غيه

حب أغنيها  
تعود اللمة م الأول  
وأدعيك يامة فى كل  
أذان يطول عمرك  
وفى كل ركعة فرض أصليها

\*\*\*\*\*

# نور البيت

واحشنى يا بويا

ولسه ملامحك

محوطانى

كل يوم

بفكر فيك

أقول اللهم ينسانى

ولسة الدنيا

بترمينى

فى طريق الهم

وأقول يا بويا للهم

ياريت يتلم

وأعيش فى حالى

من تانى

سافرت بلاد

الطل والغربة  
ياريت أرجع  
ل حزن البيت  
وأنسى كل أحزاني  
بأدعيلك يا بوي  
في كل صباح  
تكون الجنة عنوانك  
واعيش راضى بأيامى  
وأنت يابويا  
يانور البيت  
وحاجة كبيرة وحشاني



# تقاليـد

وعديت البر التانى

وجيت لك

بشال أخضر

لجل يكون

الحب عنوانى

أغنيلك غنى

وردى

ومن بدرى بتزين

عشان خاطرك

ح كون وردة

فى بستانك

حلفت كتير فى

محرابك أكون ليك

وعمرى ما خفت

على نفسى  
بغنى غناويكى  
بعلو الصوت  
واقول لكل تقاليدكم  
بحبك موت  
وفارد قلبى على  
البحرى  
ومش خايف أكون  
قلت كلام واعر  
وأنتى القمرة جوايا  
تمدى النظرة تعدينى  
تكون عافية لألم قلبى  
تكون بلسم فى  
ضلايه  
وأنتى سعيدة ويايا  
وأنا أسعد

يا حقيقة أكيدة

فى عمرى

يا عنقود توت

\*\*\*\*\*

# الحارة

الليل فى حارتنا القديمة  
خيوط رخام  
النهار طالع يصلى الصبح  
بنضرب له تعظيم سلام  
حى على الصلاة  
يامنورين الحتة وقت الظلام  
حى على الصلاة  
ياراسمين أمل لبكره  
ساعة الأزيمة والإنقسام  
حى على لصلاة  
ياماسكين زمام الأمور  
فى الشدة والخصام  
الكلام اللى انت

سامعه

كلام عبيط ده مش كلام

كلام ولاد الحارة

دايما تلاقيه على المقام

كلام موزون

لما يدخل عليه الليل

سكر يبان

الحارة دايما بتضحك

من قلبها

شائلة الصغير دايما

والكبير فى حضنها

دايما جميلة فى طبعها

لجل اللى فايت

عليها يرمى السلام

إرمى السلام يا مبتدى

الحارة ديه من أول

الخلق ناس مش مفترية  
الحارة فيها أدب الحوار  
منهج قديم  
الحق فيها سيف عادل  
لو مال بنعدله  
الحارة دايمًا فيها  
الكبير  
تعظيم سلام  
على أبو فكر عاقل  
بالأصول والأحترام

# طعم التوت

توت توت

الشنطة لمت هدومها

والقطر اللي راجع بلادى

ياريت يعدى ولازم يفوت

غربة لا شفت فيها

الملح

ولا حسيت فيها

بطعم التوت

راجع لك يابلى

وكلى حنين

وأحلف بهواك

وأقولك أمين

ولو خيرونى أسكن قصور

وريش النعام يكون

الوسادة  
ح رفض يابلدی لآنك  
فى عینى  
نبح الأصول وسكر ذیادة  
راجع یا قنا  
وكلی مرار  
من وحدة عفیه  
وحیطة کتبت علیها الأسیة  
وحید غصب عنى  
ولا حد خبط  
یمد الحنین  
ولا دنیا تشاور  
تقول أنت مین  
وایه اللى جابك  
لدنیا تهینك  
تعافر تقاسى



وتدفع فى دية  
لا فى حظ نادى  
ولا ليلة ندية  
وتوبة يابلدى  
أسمع كلامهم  
وأرمى بنفسى  
فى كذب غرامهم  
راجع يا بلدى  
لحضن البيوت

# غناوى الهم

جالك قلب تموت

فيا

تصفى الدم

جالك إحساس

تبكى العين

تصحى الهم

تدوس ع الدنيا

بكل م فيك

إزاي أرضيك

حتى كلامك بيهد

كيانى

يهرب حلمى لأخر

الدنيا

كل ألامى تعافر

فيا  
تحرق كل عناوى  
العمر  
إمتى الليل يعدى  
عليا  
يفتح طاقة نور  
جوايا  
ويشيل عنى  
تعبت ياعم  
أصحى يابكره  
وشوف إيه حالى  
إللى ب يجراالى ياريت  
يتلم  
إمتى يكون لى  
حبيب فى حياتى  
يشيل عنى أيام الغم

# بعد الفراق

وإيه فاضل فى دمي

غير شريان ضعيف

غرقان فى همى

الأمال الوهمة

دبلت

والعيون الشاردة

ضاعت والتمنى

كل شئ أصبح

سراب

الذهب لون التراب

والخسيس فى

الليل خدعنى

والأمانى الهاربة

من دوامة خصام

والإبتسامة  
والإبتسامة غيوم عنيدة  
فى الوش  
مش محتاجة علامة  
غصب عنى  
إن أشوفها  
مكسورة الجناح  
إن روحها تايهة  
فى تنهيدة زحام  
ولا يهم أن كانت  
محتاجة تعود والسلام  
هى غصب عنها  
اللى جرى  
وأنا غصب عنى  
مكتوب علينا نفترق  
فى شئ كسرنى

# إمرأة فى الهاوية

النهاية

كنت حاسس بالنهاية

إنت كارهة ومش بعقلك

وإنت عارفة أنى

كاره م البداية

والكلام الحلو اللى مرسوم

ع الخدود

كانت خطة سودة منك

كانت غواية

دمرتى حبى بالقيود

الاتفاق اللى كان بينا

فى الهوى مالوش حدود

يلا إمشى من حياتى

وذكرياتى

وإكتبى فى أول سطورك  
ضيعت منى أغلى  
إنسان كان حياتى  
هو ذاتى وأمنيأتى  
مرسوم على صفحة بيضا  
كانت بتفرحنى يوماتى  
إوعى تنسى تاخدى  
الوحدة فى ايديك  
هى ونيسك فى الفضاء  
هى اللى فاضلة  
تكون معاكى  
وإبقى كلمى حيطان البيوت  
يمكن يطلع ليك صوت  
وتكون دواكى  
وتكون دواكى

# ناس طيبة

جنب بيتنا المستخبي

بين البيوت

فى حارة هائلة

الناس نيام

والطريق سكوت

شباك مبسوط سهران

بيشرب فى الغفلة

توت

وجنب بيتنا الأولانى

الناس هنا بتغزل محبة

وناس كتير

بتغزل أمانى

على نعمة قديمة

هيमान تملى فى



حبه موت  
فى حارة سد  
لا فيها غدر  
ولا فيها شد  
فى شارع مودة  
الكل طالع لحلم بكره  
شايفه بيسلم وينفض  
هدومه  
بضحكة عفية قمرمنور  
بتنزل همومه  
عصير النهارده  
تمام التمام  
والشمس طالعة  
ومفيش زحام  
وفرحة عروسة  
بتتزف زفة

والطرحة حلوة بترتر بيلمع

ملفوفة لفة

وشايفينه لابس

حرير الحبايب

أبيض فى أبيض

عنوانه بيتنا

جنب البيوت

وفرحنا اليوم

والحسود سكوت

# الحرَام

بدعيلك من ورا  
قلبي تكون سعيد  
وتكون ذكرة معكرة  
تكون بعيد  
الحياة اللى كانت  
بيننا مضلّمة  
وفيهها حاجات جرحت كياني  
باينة فى قلبي معلّمة  
والكلمة اللى قولتها لى  
كلمة جارحة  
جامدة مكسرة حتى الحديد  
الله يسامحك  
وأنت هنا ضاغط عليا  
بعنين قوية وبرأوية

تخلص عليا وكمان تعيد

سبنى أخرج من حياتك

نفسى أنسى إنى

كنت عايش فى حضن

باهت كاره حياته

وكمان شديد

يلا أفرح فى الحياة

أوعى تنسى إنك

ناصب شباكك

على الضحايا وعمال تصيد

بكره انت هتكون ضحية

عيشة عطنة

فى الضلام

ومادارية

عمرك م حتلبس

فى الحياة توب جديد

# أجمل حب

فين بابا يا ماما  
فين بابا يا ماما  
يغطينى ويرد الباب  
فين بابا يا ماما يكون الحزن  
فى أمان كذاب  
ويرجع لى الضحكة الغاية  
ويمسح ياماما عن خدى  
الدمعة السايبة  
اهو سافر أبويا  
بلاد بعيدة  
بدون أسباب  
والخوف بيشاور وببيكى  
وفى عز النوم ماسك فى  
يسرقنى وحتى الحنية

وأنا ح أفضل قافل فى عنيا  
لا يجينى الخوف من عقب الباب  
فين بابا يا ماما يصحينى  
يحكى لى حكاية  
فى زمن الخوف ويكون ضحكة  
والقلب حزين  
والهم رسموه على وشى  
والبيت متليس كده بالطين  
فين بابا يا ماما يكون جنبى  
أنا ليه من غيره  
وايه ذنبى  
على راسى يابابا وأشواقى  
أبعثلك دمعى وأوراقى  
وأكتبلك إيه فاضل منى  
غير صورة زمان كانت ليا  
وفيهما الوحدة تجننى

علشان خاطری  
علشان خاطر سنی  
أنا ح فضل نايم  
فاتح فی عینیا  
يمكن تیجی یابابا تصحینی  
يمكن تیجی یابابا تصحینی

# محطة الأتوبيس

ناس رايحة وناس جاية  
وناس بتركب المكتوب  
وناس بتسأل على بكره  
وناس غالبية وفى مغلوب  
وفى واحدة من بعيد  
واقفة بتستنى  
أمل مفقود  
بتدعى يارب فى  
السكة يكون يوم نادى  
أمل صباح ومش مرعوب  
وراجل هناك سارح  
كان زمان شجر طارح  
راجل مرغوب



تشوفه وتشوف تجاعيده  
وحسرة حطت  
على قلبه  
من الفرحة كثير مسلوب  
يارب ينول  
مراده م الدنيا  
ويطلب م الحنان مشروب  
وبنت بتكلم التوهة  
سنين معوجة ومعتوهة  
محتاجة حياة تكون  
وردي  
وحنين صافى ومش منهوب  
نزلت محطة الأحلام  
أدور على أمل باقى  
يكون أصلى  
ومش مضروب

# شمعة حياتي

يائن العين والمشوار  
فى جوف الليل  
أزرعك جوايا ألف نهار  
وشمعة نور على إيديا  
ولهفة شوق وحنية  
أكون الزهرة والأشجار  
طريق الغيم بيتغير  
ولجل الحب أوصفك  
حكون قبطان على قلبى  
أمل غالى وسور عالى  
بيحمينى أكون أنوار  
تصحى الفجر م التوهة  
ونرجع لحظة حلوة مسروقة  
غروب الحزن بيروح

ويتبدل طريقنا عمار  
وأنا جنبك  
نعيد المكتوب في الرحلة  
وننفض عن قلوبنا أى غبار  
يا أمل بكره  
يائن العين والمشوار

# بحبك أكيد

دايما فى بالى  
وفكرى سارح بيناديك  
وبحلم ببكره يكون بداية  
بنظرة عنيك  
بشوفك فى حلمى  
طيف ياخذنى فى دنيا تانية  
أصحى أشوفك بتبادلنى  
نفس الشعور  
دايما فى بالى  
والوحدة شوك تخنق مشاعرى  
وساكنة فى الديابة تجرى  
تتوه ملامحى  
وخيظ صغير ياخذنى ليك  
وسكة خضرة بتنادينى

أشتاق لقلبك أجرى عليك  
وأنا إلى منك وأنت منى  
راسمين ملامح لدنيا حلوة  
غمض عنيك تلاقيني جنبك  
أحض عنيك

## مصر أولاً

بأمر الزهور وريحة العطور

وغنى السواقى

فى ساعة العصارى

أقدم التحية لبدر البدور

وأشوف فجر صابح

بيغزل أمانى

يامصر بحبك يا أعلى الأسامى

مذكورة فى شهادة ميلادى

فى ضحكة هنية وفرحة ولادى

قولوا أمين نشوفها نسايم

وبنطق فى أسمك وكلى سرور

أقدم تهانى وأكتب سلامى

فى دفاتر تاريخك

وكل العباد تهاجر جوه منك  
وأنت الجمال من آلاف السنين  
شوارعك بتضحك لكل اللي ماشى  
وظلة بيوتك

وكل اللي فايت يسلم عليكى  
وأنت الحنان فى قلبى بحور  
بأمر الزهور وريحة العطور  
يامصريا حبيبتي يابدر البدور

## رثاء للشاعر محمود مغربي

القلم طب من الخبر  
والورقة حالفة فى يوم تموت  
كل الحروف اتحللت  
واتبدلت كل المعانى  
والأغاني .... الأغاني رافضة  
يطلع ليها صوت  
والأمسيات الطيبة فى المغربية  
ولمة الناس اللي هيه بنقول كلام  
وبتعمل م الليل مهرجان  
وبنقول اللي باين  
فى وشوش الناس  
واللى كان مستخبي فى تجاعيد الزمان  
طالع من جوه جريد النخيل  
عناية حمرا مضللة



وشجرة مودة لساها هنا  
راسم فوق الارض  
حبة خضرا حنينة  
يابشرة سمرا من السما متعطرة  
ولسان صريح عمر  
هدفه الجميل  
ما كان فى النظرة  
ياظلة حلوة متبسمة  
فى المنردة أسمك ولونك وحكاياتك  
لسة عايشين فى قلبنا

# نور

وفيهما الحظ زى بحور  
وفيهما الفرحة براح واسع  
بحب بجد وكلى شعور  
وفيهما البسمة متشالة  
كدة فيا  
حدود السعد مرسومة  
ومقسومة تكون ليا  
فيا الطيبة محفورة  
بشاشة الوش ظاهرة  
وطالعة فى الصورة  
وكل الناس بتعرفنى  
ودايما أحب بالنية  
وحروفى فوق

السطور قناديل  
قصيدة نور  
ويكتب للغرام مواويل  
وبحلم ياريت تكون هيا  
من نظرتها حددت  
أحلامي  
تكون خطوة  
لسنين خضرة لأيامي  
ياترى حبها  
هجر قلبي  
ولا فكرها مشغول بيا

# لقاء

فى الحديقة  
جنب عصفور الكنارى  
أنا لسة واقف  
إتقابلنا وقلبى شارى  
إثنين مشتاقين  
والنظرة بوابة الرضا  
فى الغرام كل واحد  
له طريقه  
أمد إيدى  
والشجر شاهد  
إن حبك هو  
الحقيقة  
إن صوتك بين  
الجنابين

نسمة رقيقة  
الوقت خدنا  
والهوا يضلل علينا  
كأني بشوفك من  
دقيقة  
إتفقنا إن حبنا  
ح يعيش كثير  
مهما قابل م المصاعب  
أو حتى ضيقة  
أنت ليا وأنا ليك  
حبنا عايش مكانه  
مش ح تفرق معاه  
حد حاول يفرقنا  
عن بعض أو أى  
طريقة

# دموع التماسيح

إبكى إبكى بالدموع  
وإتركينى  
فى دنيا قاسية  
مهما تبكى مفيش رجوع  
مش مهم أكون  
عايش فى دنيا ناسية  
إن ليها حبيب  
مفروش كيانه  
فى قبر زى الديب  
وموجة تهز المكتوب  
فى عينى  
صبار ومر وشربت منه  
كنت فاكرك  
فى يوم ملاك

فى برج عالى  
وإخيلت إنك أميرة  
فى براح خيالى  
ورمش عينك طبطب علينا  
ولقتنى فارد  
جناح لبكره  
معرفش إنى فى  
حضن باهت تاهت  
عنيا  
وفى شط جارح  
لميت كل المزارع  
فى أرضك  
م تسببىنى ألم  
شوقى من ضلوعك  
جوه منى النهار  
كيانى

بعت نفسي بركان كوانى

كنت فاكراً

إنك حبيبة

فى محراب حياتى

والحقيقة

إنك زرعته الصبار

فى قلبى

إنك جنيتى على الورود

أتركينى

أنت بنيتى جوه قلبى

قلعة عالية

وجوه منى كره وسدود

إبعدى مهما تبكى

مهما تبكى مش هاعود



# رثاء لأخي وصديقي أحمد عبد الله

جانا الخبر  
من غير ميعاد  
النجمة غابت والقمر  
والشمس حالفة لتكون سواد  
كتب القلم حزنى عليك  
مش بإيدنا ولا بإيدك  
جوه قلوبنا الحزن زاد  
دايما بشوفك بضحكتك  
بلمة الناس حواليك  
بطلة حلوة من عيونك  
أم البساطة دنييتك  
إلى فاضل لنا فيك  
ذكرى حلوة وكام حكاية  
بين صحابك كنت طيب

وش باين م البداية  
والنهاية صدمة لنا  
هم منقوش ع الوشوش  
واللى مصبرنا إنك رغم غيابك  
لسه عايش وسطينا  
ومش حنسى حتى أسمك  
مهما اتلهينا أو نسينا  
الله يرحمك  
يا أبو قلب طيب  
يا بو قلب ساكن  
لسة فينا

## عرقسوس

العرقسوس .... إستوى

شفى وخمير موصوف

ع الخد هو الدوا

كان ألم خسيس معروف

الوش شال الهم

تعالى ظل وشوف

النفزة دى فى قلبى

والبخت بات مكشوف

إروى العطش فىا

انا جسمى كله ظروف

وأقف قصاد بيتك

يالى غنت خالى البال

حظوا الوجع فىا

وفى راسى كان مرشوش

يا عرقسوس يامداوى

يامفرح المجروح

أنا حبي لك غية

ولقلبي كان موصوف

# وداع

وحدة وضباب

وبيت من رماد

فيه السكوت

هجر وبعاد

وشنطة حزينة

فيها الرحيل

لم الهدوم والكره زاد

وشنطة تانية

مرسوم عليها

إرحل يا حب مالوش لزوم

خد معاك الذكريات

الفرح راح

والحزن عاد

حسرة وحطت فى المكان

فيها المعاتبة نار قوية

وفيها الغناد

وأنا في إنتظار مجهول

ياخذنى لدنيا تانية

أمشى فى طريق

وساعات حداد

لحظة وحيرة

والدنيا قاسية

وأنا المجهول

فى دنيا غريبة

لينا ميعاد

# شباك للحلم

افتح شباك للحلم  
وإتمنى كام صورة  
صورة تكون الأمل  
ووردة فى بنورة  
وصورة تكون للقلب  
أحواله مسرورة  
إفرد جناحك فى  
السما  
أنظر من البرواز  
ولهان فى ليلة عشق  
وظاهر فى الصورة  
يا حلم طير فى الفضا  
دور على الأشواق  
طيور فى قلب حنون

هايمة ومنصورة  
لم خيوط الألم  
الحزن راحل بعيد  
وأيامه مبتورة  
نظرت من شباك المحبة  
وأنا فى إنتظار  
القدر  
أحزن... أفرح  
أنا راضى وإيامى مستورة



# رثاء للشاعر رضا أبو حسين

كنا من يومين  
والفكرة كانت من زمان  
إن إحنا نتلم فى مكان  
فاتحين فى الفضا صفحتين  
فى المحاضرة  
وكانت الابتسامه جوه منك حاضره  
لا فيه بينك وبين الناس خصام  
دايما أمام  
دايما كانت أيامك خضرة  
كنت بتسلم بالإيدى وبالعينين  
والكلمة إالى كنت بتقولها  
فى الضلمة نور  
وطلة وشك البنور

فى المكان زى الحنين  
جنب أصحابك غناوى  
جنب إالى ناوى  
يقول غناوى  
كانت الحياة بالنسبة لىك  
مش هوامش مرصوصة  
على رف السلام  
داىما تقول مش كفاىة  
لازم نطور م البداية  
ونكون أمام  
صدمة رحىلك  
لكن جوه القلب عاىش جوانا  
وأنت معانا فى اى مكان  
الله ىرحمك يابو وش زىن

# يوم جديد

نظرة بعيدة  
والفكر مل رايح بعيد  
والأمل سارح  
مبقاش سعيد  
مجهول مسيطر على الخيال  
والأمانى إالى فى قلوبنا  
كانت محال ..... والليل عنيد  
العين تدور فى المكان  
على قلب باقى  
من زمان والفراق شديد  
نظرة ألم وإنكسار  
لم الغبار من ع السنين  
إمسح جبين المحرومين  
إرسم فى بالك ذكريات

إنسى إالى فات  
خوفى على بكره عمال يزيد  
مستنى إيه وشايف إيه  
ممکن يفيد  
سايبنى وحيد جوه السكوت  
أحلام وليدة ممكن تموت  
والنظرة شقت قلبه الحديد  
مش طالب منك أمنيات  
ولا حاجة صعبه ..... تكون معاك  
أنا طالب منك  
نظرة منك تكزن حياة  
وتكون جوايا يوم جديد  
يوم جديد

# دعوة للسلام

مد إيدك بالسلام  
مد إيدك وقول سلام  
هى العداوة تساوى إليه  
شوف المحبة تساوى كام  
أنشر الخير  
بين البشر والإنسانية  
يلا قول للعنف لا  
يلا قول حسن الختام  
رجعوا الضحكة إالى تاهت  
تحت أنياب الصدام  
إزرع الحب جناين  
أرسم الود ف غيطانك  
أوعى يهون عليك جيرانك

إرفعوا صوت الأذان  
دقوا أجراس الكنايس  
مد إيدك وقول تمام  
مد إيدك بالورود  
يلا نكتب ع الحدود  
هى العداوة تساوى إيه  
شوف المحبة تساوى كام  
ده فى ناس تقابلك بالتحية  
وناس تقابلك بالسلام

# نظرة لبكره

ياحزين القلب  
بطل ترمى اللوم على بكره  
بطل تكره  
خليك وردة جميلة  
وذكري  
إفرح هاود  
زيح عن قلبك  
الليل الغمه  
زى م عايز صعب يكون  
اوغى تخب  
وتعانده الدنيا  
سهل تخونك افرح غنى  
انفض نفسك  
حرر كل غناوى فى قلبك

ولا تزعل ولا يهرب دمك

اسحب م الليل

خنجر زاتك

اقتل همك

او عاك ترمى اللوم على بكره

ربك ساتر وبیسترها



## بفكر فيك

دايما فى بالى  
وفكرى سارح بيناديك  
وبحلم ببكره يكون بداية  
بنظرة عينيك  
الوحدة شوك من غيرك أنت  
تخنى مشاعرى  
وحزن فىا غليان فى قلبى  
تتوه ملامحى  
وخيط صغير من همس حبك  
ياخذنى ليك  
وسكة خضرة بتنادينى  
أشتاق لقلبك .. أجرى عليك  
وأنا إلى منك وأنت إلى منى  
وراسم ملامح لنهار أبيض

وظلة الصبح المنور  
وبسمة عريضة جوه القلب  
مسرورة من لمسة إيديك  
وأنت دائما فى بالى  
وفكرى سارح بيناديك

# كحيل العين

كحيل العين بسهم أصيل

شغل بالى

وخلى الدنيا تحلالى

وأنا هيمان بعيون فواحة

ومقام عالى

وأناميل طريح الفكر والموال

مسافر لبلاد بعيدة والترحال

أشوف حالى

وادور على كلمة جميلة

فى يوم تتقال لعزیز غالى

وصورة جوه الضلع

لكحيل العين

قبلى فى بعاده

عليل خالى

# الفلاح

من بين غناوى الممكن

بفضل أنا صاحى

بروى جناين عسل

فى الأرض بكفاحى

غلة تقول للقمح

أنا شفته بعنيا

قاعد ما بين الشمس

والقطن والمية

فلاح فى ايده سلاح

الفاص ولبلادى

لا فى يوم نسيت أسقى

الصبح بينادى

ياطالع الفجر

بالحب ترويهها

أخضر وزى الفل  
ولمصر تهديها  
بالفاس أنا شغال  
والام والعيال  
تطرح ذهب أبيض  
صافى براحة البال  
فلاح أنا والأرض  
وبحب سواقها  
سنابل تحب الشمس  
يارب إحميها  
إفرح يا بو قردان  
الأرض موجودة  
فدان بشرة خير  
والفرحة موعودة  
دور يا مكن على بلادى  
لف ودور

إرسم حصاد لبلدى

اليوم هنا وسرور

الأرض هى الخير

والزراعة هى النور

## صورة مع مصر

غنى النسيم والنغم  
واللحن ربانى  
يا أم النخيل إبتسم  
فى سماكى حيانى  
ساقية ترش الحب  
على خدك الدافى  
تطرح جناين قمح  
بعرقى وكفاحى  
مهما الصعاب طالت  
نصرة ومنصورة  
عروسة زى النيل  
وظاهرة فى الصورة  
إفرش طريقك عسل  
يا أم العيون السود

أولادنا فداء للوطن  
فى البحر وفى الحدود  
عاشقين ترابك دوا  
الكل عاش فيها  
إننى السلام والأمان  
وبنحب أراضيا  
مغرم بالليل اللقا  
فى الحب سهراية  
إتجمعوا العاشقين  
بيغنوا غنواية  
إدعى بالليل العشق  
الله وحاميا  
خطوة فى طريق الأمل  
الكل بينيا  
يأأم الجنان ورد  
حلوة من البساتين



إنت الجمال والنجس  
والفل والياسمين  
رافعة أيادى النصر  
على كل شكل ولون  
يد تشد العزم  
ويد يكون فى العون  
إكتب يا تاريخ وقول  
المجد لبلادى  
المجد لبلادى

# أحلام

مايل سقف حلمي  
ومطبق على ضلوعي  
في دولاب الأمانى  
نفسى أفك المربوط  
جوه منى  
م الحزن وشوف  
فجر تانى  
العتمة ساكنة الضحكتين  
والحيطان بطلنا نكتب  
عليها الأغانى  
الهم شاع كاسر  
يشق البيبان  
ترحل من وسطينا  
كل الأسامى

والباقى حبة ذكريات

وأمنيات

يارب جمعنا ورجع

الفرح من تانى

# طقوس الحزن

أه يضنيا  
وأه من ولدى  
سقفى وبيتى  
وسعدى وسندى  
مت ياعينى  
قبل م شوفك  
وسبت الحزن  
يدوس على راسى  
من أمتى ياولدى  
بقولك أرجع  
أتونس فى السهراية  
معاك .. رد عليا  
قوم كلمنى ..... قوم إقتلى  
القلب القاسى

رد علیا قوم هدینی

شیل من راسی

ترابی وطنی

وآه یاضنایا

وآه من یومی

غیمه بتسکن جوفی

وکونی

أصبحت أسيرة

صورتك تنزف

موت فی عنیا

دنیا تمرجح

تضرب فیا

جنبی کاوینی

صعب تكون مش

موجود فی حیاتی

أکره روحی

قوم صحینی  
وَاهِ يَا ضَنَايَا  
وَاهِ مِنْ يَوْمِي

# غزال

شايها فاردة ضحكة

بيضا على خدها

الهوى طائر سعيد

على شعرها

مين زيتها

زهرة أوان مقطوفة

من بستان حنان

الحسن خرزة زرقا

ساكنة من قلبها

والعيون جنان

والنور طبق بنور

مرسوم سبحان

من صور على وردها

وسماها صفحة معطرة

غزال وشارد فى الفضاء  
رنة خلخالها  
نغمة بتطلب مهرها  
سهم الغرام  
على الطريق موصول  
ومين سعيد الحظ  
اللى ينول حبها



## لحظات مؤلمة

غابت سما عن العيون

والغيوم فرشت أنين

سلمت أنا

كل الرسائل والكلام

تاه الحنين والصمت ليل

والوحدة ويل

باع المودة لم الغنا

يبكى القلب العليل

اللى كان حلم وهنا

من كام سنة

فرض الوجة كلمته

وبانت جراح

والسكوت قال للمكان

إنسى إلى راح  
حزينة ليه  
يأم الروايح بساتين  
مرسوم على قلبك  
الطيب  
وردة حب  
وزهرة ريحان حنين  
يا أم النغم صافى  
الأمل راح والصحبة  
راحت مع الرايحين  
إرفعى راسك  
هناك فى السما  
طيف قادم  
صادق أمين

## إسمحيلي

ممکن نظرة أشوف  
عيونك  
تمحي الضلّة ساكنة  
في قلبي  
إنحيني لحظة في كونك  
أكون فيها  
سعيد في دربي  
مدى ايدك إنقذيني  
إكتبيني حرف غالي  
وإبعديني عن الظلام  
وفي لمسة منك أكون  
معاك في ضلّ قلبك  
أكون أمام

أسمحيلي أكون بداية

فى حياتك

طيف ياخذنى للهيام

كلمينى يلا عنك

أوصفيلى لون فى

طيفك

نيه حلوة مش كلام

ضحكة صافية نبع

طبعك

والطريق اللى رسمناه

سوا

هو هو للامام

## حسبة غلط

م العدم  
والحسبة كانت والتمن  
قلب الحبيب عامل أصيل  
من غير دليل  
جواه صنم  
هد المحافل والسرور  
وكتب نهاية لحبنا  
قلب الحبيب صابه العطن  
زرعنا حبة فى  
أرض بور  
طرحت ندم  
وقصة باهتة ياريت تغور  
قلبى اتردم  
راسم أشواقه على

سقف مائل  
والضحكة صفرة  
لا شفنا نوره يملا  
المكان  
ولا شفنا قمرة  
قلبي الحزين  
دفع التمن

# أهل الذكر

يا أهل الذكر والمولد  
يا أهل الحضرة إرقونى  
أنا مولود بأحزاني  
وأيامى سواد  
باين على عيني  
يا أهل الذكر بتمايل  
فضلت كتير من الهم أنا شاييل  
وفى محرابكم بمد الإيد  
زعلت كتير على نفسى  
باحلم فى يوم أكون فرحان  
ماترقونى بأية كريمة  
وعود دخان يكون أخضر  
يكون برهان  
هاتولى كلام يشيل أزمة

بقالها زمان  
عايز صورة مبروكة  
من الرحمن  
يا أهل الذكر والحضرة  
طالب أيامى تكون خضرة  
وحكمة جميلة  
تكون عنوان  
وأتحرق من حكاويكم  
ومن بلاويكم  
وأحميني يارب  
الجمعة والقرآن



# راجل عجوز

توب للشباب قديم  
عليه طالع لمين  
وشك بيعافر فى التراب  
وشايفين إديه  
بتلم أنقاض العباد  
متهورين  
جوه الشوال ورق  
مقطع من سنين  
ضهر الجبل هده العذاب  
مقدرش يصبر ع الأئين  
عينه الشمال  
راحت خلاص  
منفعرش فيها دهان قديم

كان زمان راجل شديد  
جوه الشوال اسرار  
ومحتاجة لخلص  
كانت فى درج قديم عبيط  
من قسوة الدنيا عليه  
شايقين ضحكته  
تحت الرصيف  
وعيون كثير حاسة  
بأزمته وقلبه الضعيف  
كل الحكاية إنه  
طالع من قمقم أنين  
راضى برب العباد  
والمكتوب على الجبين  
لازم تشوفه العين

# حبايبي

الزهور كبرت  
والبراعم فتحت  
حبايبي ساكنين في قلبي  
ودايما فرحين  
والضلمة بعد النهار روت  
والنسيم راسم على  
ضحكتهم الجميلة وردتين  
نور الدين حبيب  
القلب نور العين  
وحاجة حلوة جوايا  
وتاج غالى  
على الجبين  
بنتي ندى  
طعم البراءة هي الأمل

وهى الحنين  
وعبد الرحمن بحبه  
من كل قلبى  
وف حزنه بنسى  
معاه تعب السنين  
هى الحياة  
دايما بيضحكوا ضحكة  
صافية من قلبهم  
مين زيهم  
بيحسوا بيا وبيقولوا عليا  
كلام جميل  
نزر الدين وبستناك  
تمد الكلمة جوايا  
كلامك عيد  
أنا سامعك وحاسس بيك  
وقلبي معاك

بنتى ندى الطيبة  
أم الضحكة حلوة مسكرة  
زى لون الشمس وغريبة  
عبد الرحمن لون الصبح  
سبحان من صور  
وفى حياتى قنديل منور  
لما بشوف بسمته الحلوة  
أنسى الأئين  
يارب أحفظهم من كل شر  
يارب أحفظهم من كل عين

# الفهرس

م	المحتوى	صفحة
1	بطاقة الكتاب	2
2	الإهداء	3
3	نبع الحنان	4
4	نور البيت	7
5	تقاليد	9
6	الحارة	11
7	طعم التوت	14
8	غناوى الهم	17
9	بعد الفراق	19
10	إمرأة فى الهاوية	21
11	ناس طيبة	23

26	الحرام	12
29	أجمل حب	13
32	محطة الأوتوبيس	14
35	شمعة حياتي	15
37	بحبك أكيد	16
39	مصر أولاً	17
41	رثاء للشاعر محمود المغربي	18
43	نور	19
45	لقاء	20
47	دموع التماسيح	21
50	رثاء لأخي وصديقي أحمد عبد الله	22
52	عرقسوس	23
54	وداع	24
56	شباك الحلم	25

58	رثاء للشاعر رضا أبو حسين	26
60	يوم جديد	27
62	دعوة للسلام	28
64	نظرة لبكره	29
66	بفكر فيك	30
68	كحيل العين	31
69	الفلاح	32
71	صورة مع مصر	33
74	أحلام	34
76	طقوس للحزن	35
78	غزال	36
80	لحظات مؤلمة	37
82	اسمحيلى	38
84	حسبة غلط	39



86	أهل الذكر	40
88	راجل عجوز	41
90	حبائبي	42
94	محتوى الكتاب	43